

元始无量度人上品妙經卷之五十

蠲化水火災癘品

道言昔於紫元寶皇天中空洞玉音大升明土受元始度人蠲化水火災癘妙品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來瑞靄積霄靈煙揚彩瑤輪瓊輦華蓋垂蔭萬景凝光百千寶色洞煥太空七日七夜諸天軌步日月運度咸悉凝輝星宿璿璣舍次停流碧山層巘神海湛波天覆僊雲地成瓊玉臺闕長樓龍攀鳳舞素芝絳木捧露生香碧影金華普天共色眾真侍座元始天尊玄坐空淨九色真龍之上說經一遍諸天大聖同時稱

道藏輯要

度人妙經

奕

九集三

人各人

善是時一國男女欣聽天尊宣說蠲化水火災癘慈救三界无量大法說經二遍天搖玉臺彌覆龍觀說經三遍明河瀉光玄珠飄灑說經四遍水騰火降變化自然說經五遍災癘不生劫數延遠說經六遍陰平陽泰氣无伏勝說經七遍混元顯化靈範流昌既經八遍冲用陶虛神真昭感說經九遍湧金爲壇神僊俯矚說經十遍枯骸重肉幽黨開明是時一國是男是女莫不傾心皆受護度咸得長生

道言是時元始天尊說經一遍東方无極无量品開運大神无鞅之眾浮空而至說經二遍南方无極无量品玉歷大神无鞅之眾浮空而至說經三遍西方无極无量品植劫大神无鞅之

眾浮空而至說經四遍北方无極无量品度劫大神无鞅之眾  
浮空而至說經五遍東北无極无量品權量大神无鞅之眾浮  
空而至說經六遍東南无極无量品制水大神无鞅之眾浮空  
而至說經七遍西南无極无量品滅火大神无鞅之眾浮空而  
至說經八遍西北无極无量品蠲災大神无鞅之眾浮空而至  
說經九遍上方无極无量品化癘大神无鞅之眾浮空而至說  
經十遍下方无極无量品承濟大神无鞅之眾浮空而至十遍  
周竟十方无極天真大神一時同至一國男女傾心歸仰各施  
珍異神香妙衣无量法具旌幢繖蓋珮玉纓珠狀如屯雲密雨  
无鞅之眾頂禮天尊願聞大法於是元始撫雕雲瓊几揮紫金

道藏輯要

度人妙經

卷

九集三

丹光塵尾流眄垂光告命大眾十方天人曰吾自造立混沌化  
生二儀役御陰陽始封皇上元君青靈上真青天帝君青華帝  
君蒼華大帝青靈天君搏桑大帝九老仙都君上相青童君東  
華三官較量水火定平劫數極於九五八六之會地之維徑三  
億三萬三千三百億萬里南北則減千里東西增千里自地上  
至天半剛風八極則地之深亦如之通而廣之渾以相覆其數  
鉤股懸天之暑著地之儀移千里一寸而得之天之廣大約三  
百六十六萬里以萬天求之不可以爲度九氣青天天有九元  
九元通關周迴三十二覆晝夜三十日天氣一交一十二交爲  
一度三百三十度諸天氣王於木數至寅卯三千三百度青氣

勃黃氣否陽數之九九者天之極謂小陽九六天氣上百官受  
會謂小百六此天氣勃於火官巳午之歲疫氣流行九千九百  
度青氣激黃氣蝕陽數九九謂大陽九六天氣反百神收氣謂  
大百六此天氣激於金官申酉之歲兵疫並行三氣丹天運關  
三百六十度諸天氣王於火數至巳午三千三百度赤氣勃白  
氣否此小陽九小百六天氣勃於土官辰戌丑未之歲土中主  
火九千九百度赤氣激白氣蝕此謂大陽九六百六天氣激於  
水官亥子之歲當有洪災中央一氣黃天運關三百三十度諸  
天氣王於土數至辰戌丑未三千三百度黃氣勃黑氣否此謂  
小陽九小百六天氣勃於金官申酉之歲癘疫大起九千九百

道藏輯要

度人妙經

卷

亢集三  
×××

度黃氣激黑氣蝕此謂大陽九六百六天氣激於木官寅卯之  
歲江河水溢災癘並興七氣素天運關三百六十度諸天氣王  
於金數至申酉國安民豐三千三百度白氣勃青氣否此則小  
陽九小百六天氣勃於水官亥子之歲人民漂流咸至天傷九  
千九百度白氣激青氣蝕此謂大陽九六百六天氣激於火官  
巳午之歲赤怪焚熱災疾尤甚五氣玄天運關三百六十度諸  
天氣王於水數至亥子三千三百度黑氣勃赤氣否此則小陽  
九小百六天氣勃於木官寅卯之歲水湧沛決人民天傷九千  
九百度黑氣激赤氣蝕此謂大陽九六百六天氣激於土官辰  
戌丑未之歲應以大旱五方運關三十二覆九千九百度周五

方之氣皆上運元始青陽之氣迴轉靈寶玄都玉京山中周迴諸天日月星宿十空之外九億九萬九千九百九十九度天氣勃一劫之交天地再生此水火變化之道惟能蠲化則災癘自平是故道有九一天有九一地有九一人有九一四九合成三十六氣總會三十六天一變生九一九九八十一元氣空有八十一道氣天有八十一聖天地有八十一真氣人有八十一僊氣總會三百六十氣道有三百六十虛无自然空玄之道天有三百六十聖化之道地有三百六十洞真之道人有三百六十骨節騰化飛僊之道此三百六十氣之所分化上有三十六空中有三十六天下有三十六地玄化在人則有三十六戶道

道藏輯要

度人妙經

卷

九集三  
久久久

有三萬六千神變玄象天有三萬六千雲構宮殿地有三萬六千洞府人有三萬六千神識道爲玄空之至精人爲天地之至靈亦水火之變化也天地有劫數窮極水火之災癘惟上聖高尊諸天帝王以平和之則劫數無終水火无激蝕之變世之水火災癘惟有道之聖君有德之賢臣以平和之人身有水火災癘之變惟泰定无爲降火升水以平和之非至真上學所不能知凡此蠲化水火災癘大法之道元始說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸識道體實由水火二氣均調天地清甯人物安阜不

爭不勝不勃不蝕不鬱不拂不抑不閉不塞不伏言无窮妄口  
无邪聲齊同慈愛異骨成親國安民豐欣樂太平經始出教一  
國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦  
是魔王內諱百靈之隱名也上聖已成真人內制靈寶真水無  
波丹靈無煙均調柔濟蠲化惡毒消滅災癘通玄究微能悉其  
章誦之十過北都唱嚴南陵錄善火山揚光昭温和浹龍澤澄  
瑩天德清平毒害消弭劫世綿永災癘不生人民康悅至學之  
士誦之十過則五行循運三災自除魔精喪眼鬼祆滅爽濟度  
垂死絕而得生所以爾者學士抱神御氣水火有倫斟酌燔灼

道藏輯要

度人妙經

卷

九集三  
六十一

理合有常不差不忒正其紀綱焚蕩之災收付天綱輕誦此章  
身則被殃供養尊禮門戶興隆世世昌熾與善因緣萬災不干  
神明護門斯經尊妙獨步玉京度人无量爲萬道之宗巍巍大  
範德難可勝

道言凡誦是經十過諸天齊到億曾萬祖幽魂苦爽皆卽受度  
上昇朱宮格皆九年受化更生得爲貴人以經法通感致水火  
二真雙景合併奇偶得宜陰陽調平真氣內應上徹玄關諸天  
降庭昭響南陵也而好學至經功滿德就皆得神仙飛昇金闕  
遊宴玉京上學之士修誦是經日月使傍水火飛光蠲化災癘  
皆卽受度飛昇南宮世人受誦則心火下降於紫室玄水上朝

於金門中池朗秀白元懽忻害氣祓除真神長存後皆得作尸  
解之道魂神暫滅不經地獄即得返形遊行太空此經微妙普  
度無窮一切天人莫不受慶无量之福生死蒙惠上天所寶不  
傳下世至士齋金寶效心盟天而傳輕泄漏慢殃及九祖長後  
鬼官侍經五帝玉童玉女各二十四人營衛神文保護受經者  
身

道言正月長齋誦詠是經正三元之紀蠲化水火災癘之氣爲  
上世亡魂斷地逮役度上南宮七月長齋誦詠是經正五運之  
紀蠲化水火災癘之氣身得神僊諸天書名黃錄白簡削死上  
生十月長齋誦詠是經正六氣之紀蠲化水火災癘之氣爲國

道藏輯要

度人妙經

圭

九集三  
又六文

王帝主君臣父子安鎮國祚保天長存世世不絕常爲人君安  
鎮其方民禱太平八節之日誦詠是經正八方之紀大小劫運  
水火相伐勃蝕之災蠲化調平使九宮氣和人民康樂得爲九  
宮真人本命之日誦詠是經使支干無傷水火均適真氣自生  
魂神澄正萬氣長存不經苦惱身有光明三界侍衛五帝司迎  
萬神朝禮右書上天功滿德就飛昇上清

道言行道之日皆當香湯沐浴齋戒入室東向叩齒三十二  
通上聞三十二天心拜三十二過閉目靜思身坐青黃白三  
色雲氣之中內外翳冥有青龍白虎朱雀玄武獅子白鶴羅  
列左右日月照明洞煥室內頂生圓象光映十方如此分明

密咒曰

无上玄元太上道君召出臣身中三五功曹左右宮使者侍香  
玉童傳言玉女五帝真符直日香官各三十六人闕啟所言今  
日吉慶長齋清堂修行至經无量度人願所啟上徹徑御

无上三十二天元始上帝至尊几前

畢

引炁三十二過東向誦經

道藏輯要

度人妙經

圭

九集三

正一天師清微弟子共百暨製作

道教學術資訊網站

元始无量度人上品妙經

元始洞玄靈寶本章蠲化水火災癘十迴度人百魔隱韻離合自然三天澄明靈寶不分元胞未開或浮或沉浮者爲陽沉者爲陰浮者炎上沉者潤下性成質具名曰水火有形无質若氣非氣爲至道祖爲太空精上水下火神濟其中上火下水氣營其門水火相交風爲之神變化天地生養乾坤金氣生明剛性發堅水潤成木木中成炎水火既具眞土爲主土爲空母玉山上京黃房紫庭上聖九品帝極三眞是由水火和感而生鬱伏疆弱變爲災癘頑敗朽惡氣撓神驚火精爲日水精爲月月成歲功日制晷刻三界萬物乃遂利亨五行六氣水火爲先大氣

道藏輯要

度人妙經

三

元集二  
X711

鍊養九萬九千赤明開圖運度自然歷水過火眞得其眞上无復祖惟道爲身水火交胎普植神靈靈文結篆龍鳳飛雲无文不光无文不明无文不立无文不成无文不度无文不生是爲大梵天中之天鬱羅蕭臺太微太階上極无上大羅王清恍惚存亡水火眞君行天運度畢觜昴參行人厄會水火漂焚行地爲癘土陷山傾氣有逆順劫有壞成上眞蠲化生道謚甯水火二氣周迴十方中有度人不死之神中有南極長生之君中有蠲化災癘之神中有度世司馬大神中有好生韓君丈人中有南上司命司錄延壽益算度厄尊神迴骸起死无量度人今日

校錄諸天臨軒



東方无極太玄神王長生大聖无量度人  
南方无極赤帝神王長生大聖无量度人  
西方无極九溟神王長生大聖无量度人  
北方无極洞海神王長生大聖无量度人  
東北无極火藏神王長生大聖无量度人  
東南无極絳府神王長生大聖无量度人  
西南无極水藏神王長生大聖无量度人  
西北无極黑穴神王長生大聖无量度人  
上方无極海空神王長生大聖无量度人  
下方无極元火神王長生大聖无量度人

道藏輯要

度人妙經

卷

九集三  
XIX

十方至真飛天神王長生度世无量大神並乘三素流雲八瓊  
丹輦風輪霞帳虎蓋蚪軒驂駕朱鳳五色玄龍建七耀之節九  
色靈旛前嘯萬舞齊唱後吹千籥同鳴朱鳳蒼蚪嘯歌嚕嚕玄  
獸神禽喙音宛宛五老啟途羣僊翼轅億乘萬騎浮空而來傾  
光回駕監真度生水火二相南昌上官韓司主錄監生大神執  
籙把籍齊到帝前蠲平水火災癘無干隨所應度嚴校諸天普  
告玄都玉京天闕十二宮分六甲之元水不濫溢火不焚然玄  
精守位絳章伏潛水火合氣不得流遷大小劫運九六之天消  
平災癘三界咸安无極神鄉泉曲之府北都羅豐三官九府十  
二河源水怪弭息洪波靜淵九靈奉書寃負明伸上解祖考億

劫種親疾除罪簿落滅惡根不得拘留逼合鬼羣元始符命時  
刻昇遷北都寒池部衛形魂制魔保舉度品南宮死魂受鍊僊  
化成人身受度劫劫長存隨劫流轉與天齊年永度三塗五  
苦八難超凌三界逍遙上清上清之天天帝玉真无色之境梵  
行

水火災癘卽大小陽九百六之變也惟種民天已上三災不  
及自紫微垣至九壘重陰皆災害所及之處雖聖賢真宰不  
能變遷亦如日月之蝕也惟昇入先形方免水火之患此天  
亦三界之天與靈寶同法

東方八天

道藏輯要

度人妙經

壹

九集三  
二七上

大濟滎稽天

帝楚凡流阿

邵直梵光天

帝求何宗都

靈觀陽符天

帝彭樓提真

淵鐘扶搖天

帝伯嶽原殊

太微正度天

帝師聰恥明

八景洞真天

帝曷甯晶魁

會昌延化天

帝司典公樞

紫津耀神天

帝辨候稱

南方八天

雲瓊憫玄天

帝定思顯權

玉闕禁盈天

帝獨俾滋嚴

敷靈帝真天

帝輔華資臣

冲裕慧孚天

帝覺爽元祺

九華變空天

帝山麗玉相

玄剛降生天

帝察監領神

晶明廣善天

帝啟蒲昌光

晃朗太元天

帝烈智攜

西方八夫

洞浮正樞天

帝監鬱蒼

五英和育天

帝慮巴提文

道藏輯要

度人妙經

美

九集三  
一五十一

離明邁容天

帝難洞申標

玉靈康濟天

帝綠寶宗

紫雲玄昇天

帝才輔氏回

玄緒慶猷天

帝賜禹景方

極真號名天

帝僊釐總皇

初神顯祐天

帝域圖檣

北方八天

玄洞祕神天

帝居實汪

邱緒演真天

帝韓司秉觚

元虛隱符天

帝治極紫印

七變無極天

帝震文啟玄

高素昇聞天

帝尹述希寂

玄雲羽華天

帝滔師越浪

玄清豁落天

帝頤典宥方

北華斗搖天

帝龍几承倡

三十二天三十二帝諸天隱諱諸天隱名天中空洞自然靈章  
諸天隱韻天中之音天中之尊天中之神天中大魔王中之靈  
九和十合變化上清玄化之奧深不可詳調運水火普告天人  
今日欣慶受度歷關諸天請滅漂焚流蕩燒熱劫運之災大小  
陽九大小百六之會旺否勃蝕貽毒三元飛度厄難名列太玄

道藏輯要

度人妙經

卷

九集三  
八十八

魔王監舉无拘天門東斗建构西斗生氣北斗水神南斗火帝  
中斗大空為劫之會青帝化木白帝烹金赤帝孕火黑帝飛泉  
黃帝靈寶變化无邊青天魔王母本太玄赤天魔王真土成天  
白天魔王水德自然黑天魔王青陽發煙黃天魔王剛粹冲淵  
五帝大魔萬神之宗飛行鼓從總領鬼兵麾幢鼓節遊觀太空  
自號赫弈諸天齊功水劫浩浩驚波萬重火劫炎熾惡煙渾蒙  
激流烘爛三界災凶元始正道養育和融蠲化陰陽毒惡莫從  
災癘却除時明國豐神公受命降世福祥日月合拱四斗明張  
玄瑞僊雲靈鳳飛翔水火作寶金玉凝堅六氣夷平四景回旋  
金不剋金木火降陰土為水防木受土生五行既協水火無偏

致民壽慶心无忸寃魔鬼滅爽殺戮萬千三官北酆明檢鬼營  
不得容隱金馬驛呈普告无窮萬神咸聽三界五帝列言上清  
鬱羅天關中環八門眇眇億劫祖氣未分上无復色下无復淵  
水火洞虛金剛乘天天上天下无幽无冥无形无影无極无窮  
赤明開圖日月麗天水火合濟運度自然元始安鎮水火爲丹  
丙生玉字赤書五篇十方寶篆八威龍文保制劫運二氣長存  
梵氣彌羅萬範開張元綱流演三十二天輪轉水火周迴十方  
旋陰厯陽回度五常三十五分分氣三元八景冥合氣入玄玄  
玄中大皇上帝高真泛景太霞嘯詠洞章金真朗郁流響雲營  
玉音攝氣靈風聚煙紫虛鬱秀輔翼萬僊千和萬合自然成真

道藏輯要

度人妙經

去

亢集三  
六八上

真中有神長生大君玄帝水德丹元火君太一守氣司命留神  
桃康捧鑪合延命精執符把籙保命生根上遊上清出入華房  
八冥之內細微之中下鎮人身泥丸絳宮中理五氣混合百神  
十轉回靈萬氣齊仙僊道貴生无量度人水火交分飛天法輪  
罪福禁戒宿命因緣普受開度死魂生身身得受生上聞諸天  
諸天之上各有生門中有空洞謠歌之章魔王靈篇辭參高真  
第一欲界蠲化大小劫運陽九百六水火災癘飛空之音

玉京爲樞

輪轉諸天

龍樓鼓鳴

九千餘周

水開洪源

炎飈九州

陽勝陰伏

木往金酬

水火爲王

激勃滂流

療山毀玉

民物振憂

水始上帝

虎冠龍旂

握策佩符

呼攝酈幽

啟靈寶篇

黑帝布籌

火神檢考

萬靈速勾

災害平甯

无待无求

第二色界魔王蠲化大小劫運陽九百六水火災癘之章

元氣爲日

陰母爲月

日行月隨

成歲分節

天關運動

水衝火蒸

斗車其行

三千有餘

陽九百六

爲世卷舒

陰陽百六

數之堂隅

道藏輯要

度人妙經

堯

亢集三  
川上

一十二度

鼓鳴三周

水火氣行

日月傍流

水勝河溢

火熾焚舟

至學无爲

我神天游

數極筭竭

水火交結

世號災癘

物爲勦絕

九復爲一

混沌重生

元始天王

出沒變更

兆度我界

玉清妙庭

第三无色界魔王水火災癘不及玉清神化歌曰

雲營廓落

浩蕩帝青

龍母九目

萬里蟠形

黑煙翁鬱

太音雷霆

屈繞玉山

八十萬層

俯觀日月

熒熒火星

下臨九天

玉闕金城

我界自然

无有火兵

九靈真母

諸惡不經

道空大妙

无上僊真

昇入無形

不染六塵

與神氣合

湛然長存

天谷綿綿

智覺不分

知本无爲

浩劫爲尊

此三界之上飛空之中魔王歌音音參洞章誦之百遍名度南宮誦之千遍魔王保迎萬遍道備飛昇太空過度三界位登仙公有聞靈音魔王敬形勅制地祇侍衛送迎拔出地戶五苦八難七祖昇遷永離鬼官魂度朱陵受鍊更生是謂无量普度无

道藏輯要



度人妙經

全

亢集三  
八十一

窮有祕上天交諸天共所崇泄慢墮地獄禍及七祖翁

道言此二章並是諸天上帝及至靈魔王隱祕之音皆是大梵之言非世上常辭言无韻麗曲无華宛故謂立奧難可尋詳上天所寶祕於立都紫微上宮依立科四萬劫一傳以其調制水火保固劫運使天關之度數軌无終與天長存禁重之限不容宣泄若有至人齋金寶質心依舊格告盟十天然後而付焉道言夫天地運終則水火激戾流滔天金石焦朽於民爲疫癘寒熱之疾水起土壤風騰火炎於民命終亦猶劫焚水蕩數會運終之時也未學之夫亦有疾傷凡有此災皆當建立壇壝敷五方真文三時行道制御水火蠲化災癘祈告上靈災害平

息同氣皆當齊心修齋六時行香十遍轉經福德立降消諸不  
祥无量之交普度无窮

道言夫未學道淺或仙品未充或四大燔灼眩惑躁競或則羸  
繭瘦枯寒窘跛痺此皆水火凌戰勝所不勝運應滅度身經太  
陰臨過之時同學至人爲其行香誦經十過以度屍形如法魂  
神經上南宮隨其學功計日而得更生輪轉不滅便得神仙

道言夫天地運終星宿錯度日月失昏四時失度陰陽不調國  
境有災兵革四興疫毒流行兆民死傷師友命過皆水火爲之  
災癘水火爲太微紫微兩極都曹主司人命總括禍福當依法  
建壇醮南北二斗水火尊帝奏詞懇願心香上達神眞自降亦

道藏輯要

度人妙經

全

九集三

當修齋行香誦經夫齋戒誦經功德甚重上消天災保鎮帝王  
下禳毒害以度兆民生死受賴其福難勝故曰无量普度天人  
道言凡有是經能爲天地帝主兆民行是功德有災之日發心  
修齋燒香誦經十過皆諸天記名萬神侍衛右別至人剋得爲  
聖君金闕之臣諸天記人功過毫分无失天中魔王亦保舉爾  
身得道者乃當洞明至言也

諸天中大梵隱語无量音 道君撰  
元始靈書中篇

東方八天

蘋璣无玕

珍華肆極

辨祖幽池



魔靈滋直 允被盧康 景麗縛奔  
乾司耀帝 禁離蒙辟 猛牛涂巔  
侯鬪魯僊 障祆殿容 典蓄魁哥  
梵流壯慕 智泉隱嶽 旅師戰瓏  
秀宛僅涂

南方八天

炎爍純瑤 澄彭觀韶 昭濟雲虛  
緣功鄙刁 逸液興心 巖溫密潯  
毳巒芝茂 瓊溜竒岑 復察混洞  
露微悅情 化蹟罔圖 生妙真森

道藏輯要

度人妙經

全

九集三

西方八天

和感混化 乳珊采丹 茹道含祥  
申奇莫忱  
鑄交火水 邁華喻邃 嬉胞一醜  
氣淵賁藥 抱空意圖 璿光素齒  
稽覆匪垠 韞息優視 神壘萬合  
天津寥致 龍涓金瀝 田根浹被  
光回燁驛 太玄雌宮 偶雄誕珠  
固肇奚窮

北方八天

晦默退樊

稀賓徐安

鼓釜燮種

忽芒烏完

蹈持夷廓

明塊九還

靜坦隳識

霞都曠觀

茅渙菁麗

馥蘭帝韓

冲龐符規

劫眇黃壇

徊度汗諧

度寶期聯

斗閣錄文

巨籍紫元

道言此諸天中大梵隱語无量之音舊文刻碧玉玄臺紫微太微二極之館以正水火之運蠲化三界劫數運度災癘奇變之殃使日月含華陰陽冲泰以成萬物之自然无爲而冥化字皆廣長一丈金霞煥曜蔚翠映圖天真皇人昔書其文以爲正音

道藏輯要

度人妙經

卷

九集三

有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉上清道備剋得遊行三界昇入金門此音无所不辟无所不禳无所不度无所不成天真自然之音也故誦之致飛天下觀上帝遙唱萬神朝禮三界侍軒羣祇束首鬼精自亡琳琅振響十方肅清河海靜默山嶽吞煙萬靈振伏招集羣仙天无氛穢地无祲塵冥慧洞清大量玄玄也